

胃管門口號曰九天玄女灌注魂液仰瞻口中鷄子黃之五氣也常漱滿口中內外上下以舌迴吸日氣五色津液滿口吞之存使津液下入玄女之口如此五過畢又叩齒三過微祝曰

玉清高上九天九靈治存玄中人胃清冷金和玉映先自虛生名曰溥錄字曰元精練魂拘魄心開神明服食日子金華充盈良久都畢以手拭兩目二七又以兩手相拭極摩面眉之間戶牖之際小令熱使熏然此太上服三五七九日子玄根之道

无上秘要卷之七十六

卷七十七原缺

无上秘要卷之七十八

見五

地仙藥品

太上道君曰其下藥有  
松柏陰脂 山萆伏精 菖蒲門冬  
巨勝黃精 菊華枸杞 崖蜜茯苓  
桃皮澤瀉 萹蕪黃連 椒麻地黃  
赤板朱英 靈飛水桂  
右其類繁多略舉一端服之為能小益不能永中高可七百年下可三四百歲恐不便長享无期上昇清天也亦能身生光澤遠白童顏役使千神得為地仙陸行五嶽遊浪名山故曰不辟其必使也  
又漸求上藥以自改新則易為階級之進何必守故而遷取其限以沒齒然此等道宜柔弱温仁至心一意潔體清淨調和五藏安形合景存保百神守魂鍊魄蕩滯淨穢遊心重玄情无流華之慾抱一獨往懷无嬰塵之累薰辛五刺不近於口肥滋血味不經於腸山居空處不管外事乃上可以耽玄存真召神符靈下可以餌食八石呼吸液津也

其次又有

三十六芝 飛鑑鍊煙 陽水月華  
五公之腴 填生五藏 鍊貌易軀  
瑰葩雲屑 金粉玉米  
右亦能延年益壽可至萬歲

其次又有

玄水雲華之漿 五黃鬱靈 中精干石  
凝飯泉青 朱英白車 飛節之寶  
流馬紫木

右服之立使人長算千紀日服日延年隨藥進命與藥遷无穷之靈物不死之奇方夫長算千紀時但服一劑而已

天仙藥品

東瀛白香 滄浪青錢 高丘餘糧  
積石飛田 太虛還丹 大秦玄堅  
長光流草 雲童飛千  
右亦能使上飛輕舉超體霄真矣此天仙之所服飛神之所研非陸遊之所聞山客之所見又當知九化十變隱地八術然乃後能廣遊玄空倒步天阿乘雲駕龍凌騰天矣

第五芝名白科玉芝剖食其麻拜為三官真直御史

右出洞真太上智慧經

太清藥品

太清九轉 五雲之漿 玄霜絳雪

騰躍三黃

第三芝名鸚胎芝其色紫形如葵葉上有鸚像如欲飛狀光明洞微得食一株拜為太清龍虎仙君正一郎中

又云第四芝名夜光洞草芝其色青其實正

白大如李子高三四尺其葉似栢夜視其實

如月光洞照一室一株有九實實墮地須臾轉大如徑七寸鏡鑿著地厚一二寸許夜視如牛目動眇以視人得食一枚拜為太清仙宮左御史

太極藥品

其次太極之品

四真常珍 乃曰石鍊煙 丹液玉滋

冠首流珠 琳華石精 丹鑑金液

紫華虹英

第一芝名龍仙芝似交龍之相負也以葉為鱗其根如蟠龍得而食之拜為太極仙卿又云第三芝名參成芝赤色有朱光煇燁扣其枝葉如金石之音折而續之即復如故得而食之拜為太極真人

上清藥品

其次上清幽芝

太上九時 有八光太和 斑龍黑胎

文虎白沫 出于西丘 七玄飛即

九孔瓊珠 雲漿琳酒 玄圃琅腴

鍾山白膠 金生青敷 閻風石脂

黑河珊瑚 蒙山白鳳 玉勝靈丘

倉鸞金血 東英朱葉 九卿交結

太微紫麻 瓊華玉實 流淵鯨珠

赤河絳壁 比汲太極之井 中樞大朱之脉

雲庭神桃 昆園平雀 夜精日草

青津碧秋 真宮鬱壇 玄都三蓋

左展玉童之光 右抱玉女之氣 上招神光

下飲玄瀨 俯探蘭園之理轉 仰攝圓丘之紫椽

白水靈蛤 八天赤鍾 萬載一生

流光九隊 右有得食之後天而遊此天帝之所服太上之寶貴非太極之所聞中真之所達誦其章可以奇流永生諷其名可以起疾斬邪精

玉清藥品

六淳發榮 玄光八角 風實雲子

帝垣玉闕 金敷英英 廣天黃木

昌成玉葉 夜山火玉 建芳風林鳴酢

西瑤瓊酒 中華紫蜜 北陵綠阜

絳津金髓 日精月華 朱河琅子

蓬山文醜 濯水七莖 崩嶽雷柳

北採玄郭之綺葱 仰獻雲山之朱宴 夜牛伏骨

神吾黃沫 空洞靈瓜 四劫一實

冥域麟膽 炎山夜日 東振扶桑之丹楹

俯探長淵之文藻 上和九轉之飛玉 下咽青玄之便寶

太虛結錄 素女懷抱 紫虬童子

九色鳳胎 太極隱芝 絳樹日道

太上虹李 天漢大草 南宮巨珠

西鄉扶老 三梁龍華 靈妃所討

右有得食之後天而老此玉清之所服太上

之所寶可以上飛景霄分晨億道守鎮皇精  
朝注九腦然斯道至大妙靈映邈非血食肉  
人所得備悉但聞玄音以散濁聽風氣而逐  
穢上可浮絕太素下可穰妖謠疾

右出道迹經

无上秘要卷之七十八

卷七十九至八十二原缺

无上秘要卷之八十三

得鬼官道人名品

兒六

鄧攸晉僕射

王逸少

劉慶孫

馬融

杜瓊

項梁成

趙簡子

楚嚴公

何曾字穎考南巴侯魏司徒

劉陶字正與東越大將軍晉揚州刺史

曹仁字子孝虛龍公魏武從弟大將軍

顧象字長始將軍晉丹陽僕射

桓範字允則長史

曹洪字子廉大司馬魏武從弟

荀顛字景籍泰山君晉太尉

蔣濟字子通南山伯魏太尉

魏劄廬山侯晉左氏尚書

陶侃字士行西河侯晉太尉

蔡謨字道明長史晉揚州司徒

鮑勳字叔業北彈方侯魏中丞

韋遵司馬晉江州刺史

許嗣南彈方侯

留贊司馬吳將

嚴白虎主非使者

殺鬼地殃日遊三鬼北帝常使殺人者無姓

名

王虞字世將部鬼將軍晉荊州刺史

顧和字君孝北帝執蓋郎晉史部尚書領軍

周魴字子魚典柄侯吳鄱陽太守

王允之王敦同堂弟期門郎

臧洪字子源後漢末東郡太守

王波晉尚書令史 臧洪等二人北斗君天

門亭長

周撫字道和晉益州刺史

田銀先亦為之銀魏何閭太守

虞譚字思與晉衛將軍

紀瞻字思遠晉驃騎 此四人北斗南門亭

長